

*Radix* fibroso-fasciculata, fuscescens.—*Folia radicalia*, petiolata, ternata, glaberrima, *foliis* sessilibus, euneiformi-rotundatis, inaequaliter crenatis aut etiam inciso-dentatis. *Petiolus* tener debilisque pollicaris, interdum prope laminam folii pilis paucis mollibus indutus. *Scapus* palmaris, uniflorus, infra involucrem, laxè, supra densè villosus. *Involucrem* foliaceum amplexicaule, subtus pilosum et ad basin villosum, profundè 3-vel 4-partitum, segmentis trifidis, laciniis lineari-obovatis, integerrimis aut euneiformibus et apice obtusissimis, 3-dentatis. *Flos* albidus, extus in junioribus præcipue ad basin cærulescens. *Petala* 6 unguicularia, obovata, obtusissima, plerumque emarginata, juniora extus pube brevi, lanatà, induta: in maturioribus pili adpressi tantum adsunt. *Stamina* permulta, petalis triplo breviora. *Germine* pilosa.

212. *A. Hudsoniana*: foliis radicalibus multipartitis, segmentis bis palmatim sectis, laciniis linearibus: involucri ternatim decompositis breviter petiolatis, pedunculis binis, petalis 5-8 ovatis, acutiusculis. (W.)

*A. multifida* β. *Hudsoniana*. *Decand. Syst. Vegetab.* i. p. 209.

*Herba* fere cubitalis, erecta, pilis albis mollibus longiusculis undique munita. *Folia radicalia* petiolata, caule duplo breviora, tripartita: *segmenta* basi attenuata, lateralia bipartita, omnia bis palmatim secta: *laciniis ultimis* lineari-lanceolatis. *Involucrem* trifolium, foliis modo radicalium ternatim decompositis et in petiolas latos breves attenuatis. *Pedunculi* spithamæi, pube brevi densius tecti, plerumque bini, quorum unus præcocior nudus, alter involucrellum bifolium trifidum medio gerens. *Flores* parvi, intus melleo-flavi, extus ad basin paulo fusculescentes. *Petala* 5-9 ovata, acutiuscula, extus villosa. *Stamina* petalis plus duplo breviora. *Germine* hirsuta, stylo persistente, recto, glabro mucronata, in capitulum ovatum densè aggregata: matura lanà involuta quâ dispersa sunt.

β. *Sanguinea*: *An. sanguinea*: *Pursh. inedit. in Herbario Lambert.*

*A* precedenti differt statura graciliori, floribusque minoribus saturatè sanguineis. (W.)

213. *A. Pensylvanica*: *Decand. Syst. Veg.* i. p. 209. *A. aconitifolia*. *Mich. Fl. Am.* i. p. 320. (S.)

214. *Ranunculus flammula* var. ? *Decand. Syst. Veg.* i. p. 247. (W.)

215. *R. cymbalaria*: *Pursh.* i. p. 392. var. β. *Decand. Syst. Veg.* i. p. 252. (W.)

β. *minima*: foliis plerumque 3-dentatis, flagellis paucis vel nullis. (W.)

216. *R. rhomboideus*: *Edin. Phil. Journ.* vi. p. 329. t. xi. f. 1. *R. ovalifolius*. *Pursh. inedit. in Herbario Lambert.* (C.)

217. *R. arcticus*: foliis radicalibus petiolatis hastatis tripartitis lobis divisis: caulinis in lobos lineares integerrimos partitis, caule trifolio unifloro, calyce villosa petalis breviora. (B.)

*Folia* glaberrima; *radicalia* longius petiolata, hastata, tripartita; *lobo intermedio* unguiculari trifido, laciniis lateralibus minoribus, patentibus; *lobis lateralibus* 4-partitis segmentis divaricatis, exterioribus sensim minoribus: laciniis omnibus obtusis, lanceolatis vel linearibus; *caulina* in lobos lineares integerrimos, obtusiusculos partita, ad bases membranacea, amplexicaulia et pilis albis mollibus ciliata: immo sub-petiolatum lobis sex, summum lobis tribus. *Caulis* simplicissimus pedalis erectus uniflorus, foliis tribus remotis munitus et supra folium summum pilis albis villosiusculus. *Calyx* flavescenti-erubescens, villosus, reflexus, petalis dimidio brevior. *Petala* lutea patentissima, obovata, obtusissima, receptaculo breviora. *Stamina* filamentis brevissimis, antheris oblongis. *Germine* glabra stylo recurvato mucronata, receptaculo cylindraceo.

218. *R. Pensylvanicus*: *Decand. Syst. Veg.* i. p. 290. *Pursh.* ii. p. 393. (W.)

219. *R. Purshii*: glaberrimus, foliis petiolatis: depressis ternatim decompositis; elevatis bis terve palmatim trifidis, caule repente, petalis calyce glaberrimo triplo longioribus. *R. Fistulosus*: *Pursh. inedit. in Herb. Lambert.* (W. B.)